

Ноосна чинриг йилгъдг мастермүд

Селәнә эдл-ахун танъгъчин управленә зааврар, хõбнәс киргъдж авсн ноосиг му-сәәнинь шинджлдж меддг мастермүд белдлгънә курс, Элст балгъснд болн Сарпинск района, Садовк селәнд секгдв.

Эн курст танъгъчин колхозмудас болн совхозмудас 32 кун ирдж сурцхав. Хõбдәс киргъдж авсн ноосиг му-сәәнинь шинджлдж меддг сән дамшлтта мастермүд ұр Соловкин Н. А., Кузьменко А. Н., Элст балгъсна заготконторин лаборант ұр Деркачева Е. Б. болн нань чигн мастермүд эврәннь дамшлтан, медрлән

курсантнрт цәәлгъдж õгцхәв.

Курст сурцах улст ямаран янзар хõбнәс киргъдж авсн ноосиг му-сәәнинь (сортинь медхин) тускар тодрха сәәнәр медулдж õгв. Турун ирсн 32 кун курсан дуусад, гарч-олцхав. Теднәс 19 кун йилгъән сәәнәр тõгсәв.

Ода Элст балгъсна заготконторт совхозмудас болн колхозмудас 46 кун ирдж курст сурчана. Эдн курсан дуусхларн, бас хõбнә ноосиг му-сәәнинь шинджлдж меддг мастермүд болдж гархмн.

Д. СЕРГЕЕВ.